

Na osnovu člana 16. stav 4. Zakona o Vladi Zeničko-dobojskog kantona-Prečišćeni tekst ("Službene novine Zeničko-dobojskog kantona", broj: 7/10), na prijedlog Ministarstva za poljoprivredu, šumarstvo i vodoprivredu, Vlada Zeničko-dobojskog kantona, na nastavku 56. sjednice, održanom 15.03.2012. godine, d o n o s i

ZAKLJUČAK

I

Usvaja se Informacija o visini prihoda ostvarenih po osnovu proširene biološke reprodukcije šuma i neizmirenim obavezama prema općinama, Kantonalne uprave za šumarstvo Zeničko-dobojskog kantona.

II

Zadužuje se Kantonalno pravobranilaštvo Zeničko-dobojskog kantona da sačini prijedlog sporazuma koji će za predmet imati regulisanje neizmirenih obaveza po osnovu naknada za proširenu biološku reprodukciju šuma nastalih u periodu 2005-2009.godina između Zeničko-dobojskog kantona, JP „Šumsko privredno društvo Zeničko-dobojskog kantona“ d.o.o. Zavidovići i općina sa područja Zeničko-dobojskog kantona i isti dostavi Vladi Zeničko-dobojskog kantona na usvajanje.

III

Zaključak stupa na snagu danom donošenja.

Broj: 02-_____/12.

Datum, 15.03.2012. godine

Z e n i c a

PREMIJER

mr.sci.Fikret Plevljak dipl.ing.

DOSTAVLJENO:

- 1x Ministarstvo za poljoprivredu, šumarstvo i vodoprivredu,
- 1x Javno preduzeće „Šumsko-privredno društvo Zeničko-dobojskog kantona“ d.o.o. Zavidovići (putem ministarstva),
- 1x Kantonalno pravobranilaštvo u Zenici (putem ministarstva),
- 1x a/a.

Informacija o visini prihoda ostvarenih po osnovu proširene biološke reprodukcije šuma i neizmirenim obavezama prema općinama

1. Prihodi po osnovu naknada za proširenu biološku reprodukciju šuma, propisani su Zakonom o šumama („Službene novine Federacije BiH“ broj 20/02.) čija je primjena trajala od 2002. do novembra 2009.godine. Na osnovu člana 60. Zakona o šumama, obveznici uplate naknada za proširenu biološku reprodukciju šuma su korisnici državnih šuma tj. kantonalna šumsko privredna društva koja su bila obavezna da na ime naknade za proširenu biološku reprodukciju šuma izdvajaju sredstva u visini od najmanje 3% vrijednosti prihoda ostvarenog od prodaje drveta i sekundarnih šumskih proizvoda i ista, šestomjesečno i po završnom računu uplaćuju na račun Budžeta Federacije u visini od 20% i na kantonalni račun u visini od 80%. Na osnovu člana 62. Zakona, dio sredstava uplaćenih na kantonalni račun namijenjen je za razvoj nerazvijenih dijelova općina i transferira se na račune općina, a preostala sredstva se zadržavaju na kantonalnom računu i namijenjena su za poslove biološke reprodukcije šuma.

Prema podacima dostavljenim iz JP „Šumsko privredno društvo Zeničko-dobojskog kantona“ d.o.o. Zavidovići, po osnovu prodaje drveta i drvnih sortimenata u periodu 2005 – 2009.godina, ostvaren je prihod u visini od 125.046.572,69 KM, na osnovu kojeg je, ukupna obaveza za uplatu sredstava na kantonalni račun po osnovu proširene biološke reprodukcije šuma, utvrđena u visini od 3.001.117,71 KM. Međutim, od ukupno 3.001.117,71 KM, do kraja 2009.godine na kantonalni račun je uplaćen iznos od 874.993,62 KM, na osnovu kojeg je JP ŠPD ZDK d.o.o. Zavidovići u cjelosti izmirilo obaveze prema kantonalnom računu za 2006.godinu i dio obaveza utvrđenih za 2007.godinu.

PREGLED OBAVEZA JP ŠPD ZDK D.O.O. ZAVIDOVIĆI-PROŠIRENA REPRODUKCIJA ŠUMA

R. Br	PERIOD	UKUPAN PRIHOD ŠPD-a OSTVAREN PRODAJOM DRVETA	ŠPD - NAKNADA ZA PROŠIRENU REPRODUKCIJU		
			OBAVEZE ŠPD-a ZA UPLATU NAKNADE. kol.3 x 3% x 80%	UPLAĆENA SRED. ZA PROŠ.REPR.	NEIZMIRENE OBAVEZE ZAKLJUČNO SA 2009.GOD. kol. 4 - kol. 5
1	2	3	4	5	6
1.	2005.	16.631.771,00	399.162,50	48.000,00	351.162,50
2.	2006.	28.022.956,00	672.550,94	672.550,94	-
3.	2007.	26.210.723,07	629.057,32	154.442,68	474.614,64
4.	2008.	31.124.297,92	746.983,16	-	746.983,16
5.	2009.	23.056.824,70	553.363,79	-	553.363,79
	UKUPNO	125.046.572,69	3.001.117,71	874.993,62	2.126.124,09

Šumsko privredno društvo Zeničko-dobojskog kantona d.o.o. Zavidovići je, kako se vidi iz izloženog, zanemarivanjem zakonskih propisa, prihode kantonalnog budžeta, u periodu 2005-2009.godina umanjilo za 2.126.124,09 KM, a indirektno je uticalo i na smanjenje priliva sredstava u općinske budžete za 1.800.105,37 KM. Ranije je rečeno da su sredstva ostvarena po osnovu proširene biološke reprodukcije šuma, , dijelom namijenjena za povrat općinama

(2% prihoda ostvarenog na području općina-član 62. Zakona o šumama), a dijelom za poslove proširene reprodukcije u oblasti šumarstva. To znači da je od ukupne naknade koju je ŠPD bio obavezan uplatiti na kantonalni račun, utvrđene u visini od 3.001.117,71 KM, na račune općina trebao biti vraćen iznos od 2.500.931,49 KM

Međutim, pošto je na kantonalni račun po osnovu proširene biološke reprodukcije šuma uplaćen samo dio utvrđene obaveze u iznosu od 874.993,62 KM, i na račune općina je bilo moguće transferirati samo dio utvrđene obaveze prema općinama, u iznosu od 700.826,12 KM Uplatom navedenog iznosa na općinske račune, izmirene su obaveze prema općinama za 2006.godinu u cjelosti i dijelom za 2007.godinu.

Pregled obaveza prema općinama utvrđenih shodno članu 62. Zakona o šumama za period 2005-2009.godina, kao i pregled uplaćenih sredstava na račune općina za isti period, dat je u niže navedenoj tabeli:

RB	OPĆINA	PRIHOD OSTVAREN NA PODRUČJU OPĆINE U PERIODU 2005-2009	OBAVEZE PREMA OPĆINAMA U PERIODU 2005-2009	UPLAĆENO NA RAČUNE OPĆINA U PERIODU 2005-2009	NEIZMIRENE OBAVEZE PREMA OPĆINAMA ZA PERIOD 2005-2009.
1.	2.	3.	4.	5.	6.
1.	VAREŠ	45.758.409,31	915.168,13	226.513,42	688.654,71
2.	BREZA	910.932,81	18.218,89	8.497,04	9.721,85
3.	KAKANJ	16.536.365,31	330.727,24	92.354,26	238.372,98
4.	VISOKO	2.225.901,60	44.518,02	9.022,78	35.495,24
5.	MAGLAJ	1.035.865,99	20.717,31	6.392,94	14.324,37
6.	ŽEPČE	4.080.896,33	81.617,89	23.378,70	58.239,19
7.	TEŠANJ	1.978.506,18	39.570,11	8.900,68	30.669,43
8.	ZENICA	7.302.430,11	146.048,66	24.695,80	121.352,86
9.	ZAVIDOVIĆI	16.864.003,20	337.280,03	73.769,40	263.510,63
10.	OLOVO	28.353.261,85	567.065,21	227.301,10	339.764,11
	UKUPNO	125.046.572,69	2.500.931,49	700.826,12	1.800.105,37

Zbog visokih iznosa neizmirenih obaveza prema općinama za period 2005-2009. godina i nemogućnosti da iste naplate, sve je veći broj općina koje se, kao i općina Olovo, za zaštitu svojih prava obraćaju nadležnim sudovima. Kako bi pokrenuti sudski procesi bili zaustavljeni i ispoštovani zahtjevi općina, potrebno je da ŠPD izvrši svoju obavezu i na kantonalni račun uplati preostali iznos u visini od 2.126.124,09 KM, od čega će, na osnovu Zakona o šumama, dio sredstava u visini od 1.800.105,37 KM biti vraćen na račune općina, a preostali iznos koji pripada Kantonu, u visini od 326.018,72 KM zadržat će se na kantonalnom računu za namjene regulisane Zakonom.

2. Prestankom primjene Zakona o šumama, donesena je Uredba o šumama („Službene novine Federacije BiH“ broj 83/09.) u kojoj su u odnosu na Zakon, izvršene određene izmjene u dijelu koji se odnosi na korištenje državnih šuma. Tako, umjesto naknada po osnovu proširene biološke reprodukcije šuma, korisnici državnih šuma tj. šumsko privredna društva, na osnovu Uredbe o šumama, plaćaju naknadu za korištenje državnih šuma obračunatu u visini od 7% prihoda ostvarenog od drveta (član 33. Uredbe). Naknada se uplaćuje tromjesečno i po završnom računu, na slijedeći način:

- a) 1,0 % na poseban račun Budžeta Federacije;
- b) 1,0 % na poseban račun budžeta Kantona ;
- c) 5,0 % na namjenski račun općine na čijoj teritoriji se ostvaruje prihod.

Znači, na osnovu Uredbe o šumama, korisnik državnih šuma ima obavezu da dio naknade za korištenje državnih šuma koji pripada općinama, direktno uplaćuje na račune općina, za razliku od Zakona o šumama, na osnovu kojeg je povrat sredstava općinama vršen posredstvom kantonalnog računa.

Na osnovu raspoloživih podataka o visini prihoda ŠPD-a ostvarenog od drveta, počev od 2010.godine do polovine 2011.godine, utvrđene je da obaveze ŠPD-a za korištenje šuma u navedenom periodu prema kantonalnom računu iznose 235.290,00 KM, a prema općinama 1.176.454,00 KM, ali po osnovu istih u proteklom periodu nije bilo uplata na spomenute račune.

Šumsko privredno društvo je, kako se može zaključiti iz izloženog i nakon donošenja Uredbe, u potpunosti zanemarilo obavezu koju propisuje Uredba, a koja se odnosi na uplate naknada po osnovu korištenja državnih šuma, te na taj način, i u periodu 2010-2011.godina, direktno uticalo na smanjenje kantonalnih i općinskih prihoda

Na osnovu podataka prezentiranih u Informaciji, ukupna dugovanja ŠPD-a kao korisnika državnih šuma, za period 2005-2009.godina i period 2010-2011.godina iznose 3.537.868,09 KM, od čega se na dugovanja prema općinama, bilo direktno ili indirektno putem kantonalnog računa, odnosi 2.976.559,37 KM, a prema kantonalnom računu 561.308,72 KM. Nemamo saznanja o visini naizmirenih obaveza za navedeni period prema Budžetu Federacije BiH

Prijedlog mjera :

Imajući u vidu visinu neizmirenih obaveza ŠPD-a nastalih u periodu 2005- 2009.godina po osnovu Zakona o šumama, tešku finansijsku situaciju i preduzeća i općina sa područja Ze-do kantona, predlažemo da :

Vlada Ze-do kantona zaduži Kantonalno pravobranilaštvo da sačini prijedlog sporazuma između Zeničko-dobojskog kantona, JP „Šumsko privredno društvo Zeničko-dobojskog kantona“ d.o.o. Zavidovići i općina sa područja Zeničko-dobojskog kantona koji će za predmet imati regulisanje neizmirenih obaveza po osnovu naknada za proširenu biološku reprodukciju šuma nastalih u periodu 2005-2009.godina i da se na taj način izbjegnu sudski postupci i dodatni troškovi.

Obrađivač

Avdagić Berina

MINISTAR

Samir Selimović